

«ԱՍՏՎԱԾԱՇՆՉԱԿԱՆ ՀԱՅԱՍՏԱՆ» ԳԻՏԱԺՈՂՈՎ ՕՇԱԿԱՆՈՒՄ

Մեր երկրի գիտամշակութային կյանքում իր տեղն է հաստատում Օշականի Ս. Մեսրոպ Սալտոց Դպրատունը, Ամենայն Հայոց Գարեգին Ա կաթողիկոսը ցանկացավ, որ այն դառնա հոգևոր-մշակութային և գիտական յուրատեսակ մի կենտրոն, և ահա հաստատության կամարները տակ արդեն կազմակերպվել են մի շարք շնորհանդեսներ, գիտաժողովներ, բացվել են կերպարվեստի հարուստ ցուցահանդես-թանգարան և գրադարան, Երկու տարի անընդմեջ զործել է հաստատության գիտական խորհուրդը, որի կազմում ընդգրկված են անվանի հայագետներ:

«Աստվածաշնչական Հայաստան» այսպես էր կոչվում այս տարվա հունիսի 21—24-ը Ոշականում գումարված միջազգային գիտաժողովը, որը նվիրված էր Հայաստանում Քրիստոնեության պաշտոնական ընդունման 1700-ամյակին: Ս. Մեսրոպ Սալտոց Դպրատան հետ համատեղ որպես կազմակերպիչ հանդես էր գալիս նաև Հայաստանում Քրիստոնեությունը պետական կրոն հռչակելու 1700-ամյա հոբելյանի նկեղեցական հանձնաժողովի գրասենյակը: Անշուշտ, գլխավոր հովանավորը ինքն էր, երջանկահիշատակ Վեհափառ Հայրապետը, որի առանձին սիրով էր կապված օշականյան սրբավայրի հետ: Այսօր մեզ հետ չեն նաև Ս. Մեսրոպ Սալտոց Դպրատան անդրանիկ գիտական խորհրդի անդամներ Վաչե Նալբանդյանը, Գագիկ Սարգսյանը և Լենդրուշ Խուրշուդյանը, որոնց հիշատակին Օշականում հուրգանք մատուցվեց թե՛ բացման նիստի, թե՛ եզրափակիչ օրվա սուրբ Պատարագի ժամանակ:

Գիտաժողովը դարձավ ոչ միայն գիտական, այլև մշակութային նշանակալից երևույթ: Այն ուղեկցվում էր ցուցահանդեսներով, համերգներով, ուղևորություններով, որոնք ոչ միայն հարուստացնում էին գիտաժողովի աշխատանքային առօրյան, այլև ավելի պատկերավոր ու առարկայական էին դարձնում նրա առելիքը: Արդեն հունիսի 21-ին Երևանում բացվեցին իրկու կարևոր ցուցահանդեսներ. Մատենադարանում ներկայացվում էին Աստվածաշնչի խիստ տրեքավոր ձեռագիր օրինակներ, իսկ Աղգային գրադարանի ցուցահանդեսը՝ հանրության ուշադրությանը հանձնեց հնատիպ հազվագյուտ հրատարակությունների հաբուստ ու հետաքրքիր հավաքածու: Հաջորդ օրը արձագանքեց Աղգային պատկերասրահը՝ բաց անկողով «Հայաստան — Աստվածաշնչական երկիր» խորագրով կերպարվեստի ցուցահանդես: Գիտաժողովի մասնակիցների համար համերգներ հնչեցին մայրաքաղաքի կամերային երաժշտության տանը, Օշականում, Յ. էջմիածնի Մայր Տաճարում: Այլ խոսքով՝ իրականացվեց մշակութային ձեռնարկների մի համալիր՝ ծրագիր, գիտական համաժողովը դուրս քերելով նման ձեռնարկների համար սովորական պաշտոններ:

Կենտրոնական իրադարձություն, անշուշտ, ինքը գիտաժողովն էր, որի լուրջ նիստերն անցկացվեցին Դպրատանը: Հունիսի 22-ի առավոտյան մասնակիցներն ու հյուրերը աչքեկեցին և ձաղկիպսակ դրեցին Ս. Մեսրոպ Սալտոցի շիրմին, որի անունը կրող նկեղեցում ներկա եղան առավոտյան ժամերգությանը: Հայ գրերի ստեղծողի, Աստվածաշնչի առաջին հայ թարգմանչի ոգեղեն ներկայությունը գիտաժողովին հաղորդում էր լիցք ու ներշնչանք:

Գիտաժողովի բացման արարողությունը կայացավ Դպրատան նիստերի դահլիճում: Մասնակիցներին ողջույնի խոսք ասացին Կաթողիկոսական ընդհանուր փոխանորդ Գարեգին արքեպիսկոպոսը, ՀՀ ԳԱԱ ակադեմիկոս քարտուղար Վլադիմիր Բարխուդարյանը, Արագածոտնի մարզպետ Հրաչր Կարապետյանը, թե՛ մի առաջնորդ Նավասարդ Կար. Կճույանը, ինչպես նաև Հայաստանում Քրիստոնեության պաշտոնական ընդունման 1700-ամյակի գրասենյակի վարիչ տնօրեն Մեսրոպ արք. Աշճյանը, որն իր գեկուցման մեջ անդրադարձավ ոչ հեռավոր անցյալի իրադարձություններին. 1935 թ. երբ նշվեց Աստվածաշնչի թարգմանության 1500-ամյակը, հայաստանյան գիտնականները գրեթե մասնակցություն չունեցան. արտերկրում կայացած գիտական հավաքներին ու ժողովներին: Եվ ահա, մեր անկախ հանրապետությունում առաջին անգամ, թերևս, այսքան խորը և ընդգրկուն անդրադարձ է կատարվում սուրբգրական թեմաներին:

և մեր բազմադարյան պատմության ընթացքում «Թարգմանությանը թագուհու» խաղացած հրաշալիքային դերին:

Սահակ-մեսրոպյան ժամանակներից Աստվածաշունչը հոգևոր մեկնակետ և հիմնաքար դարձավ մեր ողջ քրիստոնյա մշակույթի համար: Աստվածաշունչը մատյանը կարելի է դիտարկել ամենատարբեր այլ առումներով ևս. այն Հայաստանյաց Առաքելական եկեղեցու կառույցի և ծիսական կյանքի, դրանց զարգացման պատմության հիմնառանցքն է, անփոխարինելի աղբյուր պատմագիտության համար, անսպառ նյութ՝ թարգմանական և գրչության արվեստների ուսումնասիրողներին: Այն նաև ներկայի գործոն է, այժմեական երևույթ, որ շոշափելի աղեղնություն է թողնում հասարակության զարգացման ընթացքի վրա: Այս մտքերը այս կամ այն կերպ արտացոլվեցին Մատենադարանի տնօրեն ակադ. Սեն Արևշատյանի, բանաստեղծ Լևոն Միրիշանյանի, ակադեմիկոսներ Հրաչյա Բարթիկյանի, Պարիս Հերունու, ինչպես նաև ներսիս արք. Պողոսյանի, ԿՊՁ Աստվածաբանական ֆակուլտետի ղեկան Շահեն արք. Աճեմյանի և պատմ. դիտ. դոկտոր Ս. Կրկյաշարյանի զեկուցումներում, որոնք ընթերցվեցին երկու լիագումար նիստերի ընթացքում:

Այնուհետև գիսաժողովի աշխատանքները շարունակվեցին վեց մասնաճյուղերում, որոնք կրում էին «Աստվածաշունչը և Հայ Եկեղեցին», «Հայաստանը Աստվածաշունչում», Աստվածաշունչը և հայ բանասիրությունը», «Աստվածաշունչը և հայ բնագրագիտությունը», «Աստվածաշունչը և հայ մշակույթը», «Աստվածաշունչը և հայ իրականությունը» անվանումները: Նշենք, որ գիտական զեկուցումներով հանդես եկան 96 մասնակիցներ, որոնք ներկայացնում էին ակադեմիական հումանիտար բոլոր հաստատությունները, մայր բուհը, այլ կրթօջախներ, ստեղծագործական միություններ և, անշուշտ, Հայ Առաքելական Եկեղեցին: Մասնակիցների թվում կային նաև բնական ու ճշգրիտ գիտությունների ներկայացուցիչներ: Մեծավաստակ գիտնականների կողքին հանդես գալու լայն հնարավորություններ էին ստացել հայագիտության ասպարեզ նոր-նոր ոտք դրած երիտասարդները: Ժամանակ էին գիտնականներ նաև արտասահմանյան երկրներից:

Կաշկանդիլ ավանդույթներից ձերբազատման ընթացքի արտացոլք կարելի է համարել «Աստվածաշունչը և Հայ Եկեղեցին» մասնաճյուղի աշխատանքը, որտեղ մեր եկեղեցու պատմական դերը, նրա կառույցի ու ծիսական կյանքի հիմնահարցերը ստանում էին օբյեկտիվ, գիտականորեն հիմնավորված գնահատականներ: Վիզեն արք. Ալբադյանի, Վրեժ Վարդանյանի, Ռաֆայել Համբարձումյանի, Քնարիկ Տեր-Դավթյանի զեկուցումներում արծարծվեցին հայ եկեղեցու պատմության հարցեր: Հայ առաջին քրիստոնեական համայնքները ձևավորվեցին Առաքյալների շնորհիվ, որոնք իրենց իշխանությունն ստացել էին Հիսուս Քրիստոսի ձեռքից: Առաջին դարում Սյունիքի և Արտազի եպիսկոպոսապետությունները սկիզբ դրեցին հայ եկեղեցուն, որի սկզբունքները փաստորեն հաստատվեցին Քրիստոսի ձեռամբ: Վիզեն Նրբազանի այս գաղափարը իր շարունակությունն ունեցավ Ռ. Համբարձումյանի արտահայտած ստեղծում, որը եկեղեցու և քրիստոնեական համայնքի կազմակերպման սկզբունքները տեսնում է նաև միջնադարյան հայ պետականության կառուցվածքի մեջ: Առանձին զեկուցումներ նվիրված էին եկեղեցու հայրերի՝ Գրիգոր Տաթևացու, Ստեփանոս Սյունեցու, Անաստաս Վարդապետի, Հուսիկ արքեպիսկոպոսի, Խրիմյան Հայրիկի ժառանգությանը: Մեկ այլ խումբ էին կազմում հայ եկեղեցու ծեսերին ու արարողություններին նվիրված զեկուցումները: «Ծես և Աստվածաշունչ» այսպես էր կոչվում Միքայել Ժ. Վրդ. Աջապահյանի զեկուցումը, որտեղ զանազան օրինակների միջոցով հեղինակը հայ եկեղեցու այս կամ այն ծեսը կապում է հավատացյալների շրջանում աստվածաշնչյան գաղափարները տարածելու նպատակադրման հետ: Գրեթե նույն կերպ են բացատրվում հայ հոգևոր երգի տարածման արմատները նաև Աստղիկ Մուշեղյանի ու Արփի Վարդումյանի զեկուցումների մեջ: Միևնույն արվեստագետ Հենրիկ Հովհաննիսյանը պատարագի մեջ տեսնում է նախաքրիստոնեական դրամայի տարրեր, որոնք հայ ծիսակարգի մեջ գրառվում են տարբեր ձևերով («Հնագույն դրամայի մետամորֆիզմը քրիստոնեական պատարագում»):

Արժեքավոր էր Պետրոս Հովհաննիսյանի հաղորդումը Նիկողայոս Ադոնցի «Հայկական վարք սրբոց ժողովածուները» անտիպ աշխատության մասին:

Աստվածաշունչը մատյանում մի շարք հիշատակություններ կան Հայկական լեռնաշխարհի մասին, որոնք վաղուց ի վեր գրավել են հայագետների ուշադրությունը: Դրանց հետ կապված հիմնախնդիրները քննության առարկա դարձան «Հայաստանը Աստվածաշունչում» մասնաճյուղի աշխատանքների ընթացքում: «Գայթակղության քարը» Արարատ լեռան ան-

վանումն ու տեղորոշումն էր: Խնդրին մոտենալով տարբեր տեսանկյուններից, զեկուցումները հեղինակները առաջ առնալուց էին իրարամերձ կարծիքներ: Այսպես, Զրհեղեղի աստվածաշնչական պատումը զուգահեռելով Հովսեփոս Փլավիոսի հաղորդած տարբերակի հետ, Սիմոն Կրկյալարյանը տապանակիր լեռը տեղադրում է Հայկական լեռնաշխարհի կենտրոնական մասերում: Էդուարդ Պանիելյանը բերում է աստվածաշնչյան Արարատը Մասսի հետ նույնացնելու մի բավականաչափ լուրջ կովան՝ Եղիշեի «Արարածոց մեկնություն» սկզբնաղբյուրի մեջ: այդ նշանակում է արդեն, որ 5-րդ դարում տապանակիր լեռ համարվում էր Մասիսը: Նույն վարկածի հաստատման համար Գևորգ Արզարյանի և Վահագն Արզարյանի «Արարատը Կուարանի ձեռագրերում» զեկուցման մեջ բերված են փաստարկներ, ըստ որոնց Աստվածաշնչի արամեերեն տեքստի նախնական տարբերակում հիշատակված է եղել ոչ թե «Քար դու», այլ «Արարատ» լեռնանունը, և դա հաստատվում է արամեերեն «Մենք զրքի» սլարականոն շարադրանքի 1947 թ. Կումրանում հայտնաբերված մի ձեռագրի տվյալներով: Ըստ հեղինակների (զեկուցումը ներկայացրեց հանգուցյալ Գ. Արզարյանի որդին՝ հարակից զեկուցող Վ. Արզարյանը) Արարատի և Մասսի նույնությունը հայտնի է եղել նաև մեր հին հեղինակներին:

Նույն տեսակետը այլ փաստարկների միջոցով պաշտպանելու փորձ է կատարում Մուրադ Օհանյանը իր «Հայկական լեռնաշխարհի մի քանի հնագույն տեղանունների ստուգաբանությունը և տեղորոշումը Աստվածաշնչի միջոցով» զեկուցման մեջ:

Ինչպես նշվեց, եղան այս տեսակետին տրամագծորեն հակառակ կարծիքներ: Համլետ Պետրոսյանը աստվածաշնչական Արարատը տեղադրում է Հայկական լեռնաշխարհի Միջագետքին սահմանակից հատվածում, իսկ Մասիսը Արարատ վերանվանվելու իրողությունը կապում է 11-րդ դարի խաչկարաց արշավանքի հայաստանյան արձագանքների հետ: Սիմոն Հմայակյանը Արարատը տեղորոշում է հնագույն Նիրուրի (Ջուղի դաղ) լեռներում («Աստվածաշունչը և Արարատյան թագավորությունը»): Արարատը Կողոզում տեղորոշելու միտումը կար նաև Արտակ Մովսիսյանի զեկուցման մեջ, թեպետ այն հիմնականում շոշափում էր շումերական արձանագրությունների, «Արատտա» և հետագա «Ուրարտա» երկրանունների ծագումնաբանական կապի խնդիրը: Մասին Կատվալյանը Քարդու և Արարատ տեղանունները համարում է հոմանիշ երկրանուններ և գտնում, որ այդպես անվանվել է ոչ թե որևէ կոնկրետ լեռ, այլ ամբողջ լեռնաշխարհը, հետագա Հայքը ամբողջությամբ:

Մասնաճյուղում շոշափվեցին զանազան այլ հարցեր ևս: Հովհաննես Կարազյուզյանի «Աստվածաշունչը և ուրարտական աղբյուրները» զեկուցումը կապեր է բացահայտում աստվածաշնչական Ռասոն թագավորի և ուրարտական արձանագրությունների Ռուշանե արքայի անունների միջև և հավանական համարում, որ խոսքը գնում է միևնույն անձի մասին: Բարկեն Հարությունյանի զեկուցման մեջ նորովի տեղադրություն է ստանում սուրբգրական «Թորգոման»-այն ոչ թե նույնանում է Թիլ Գարիմու երկրի, այլ ողջ լեռնաշխարհի, Հայաստանի ու Հայկյանների հետ:

Իր զեկուցման մեջ («Աստվածաշնչի ծագման հարցի շուրջը և ծխական արարողությունների վաղագույն արձատները Մեծամորի տաճարում») Աստվածաշնչի վրա հնագույն կրոնների ազդեցությունների հետքեր է նշմարում էմմա Խանզադյանը: Պավել Ավետիսյանի և Արսեն Բորոխյանի զեկուցումը նվիրված էր Տիգրիսի ու Եփրատի ակունքների աստվածաշնչական հիշատակություններին, իսկ Սիմոն Կամարական-Շահազիզյանը Երկիր մուրալի բնագիտական էվոլյուցիան զուգահեռում է աստվածաշնչական աշխարհաստեղծման պատումի հետ, գտնելով, որ այդ պատումը այլաբանական արտացոլումն է իրական բնական պրոցեսների:

«Աստվածաշունչը և հայ բանասիրությունը» մասնաճյուղի թեմատիկայի քննարկումները փաստորեն սկսվել էին լիազումար նիստերի ժամանակ: «Խորենացի և Աստվածաշունչը»-այդպես էր կոչվում Շահն արք. Աճեմյանի զեկուցումը: Աստվածաշնչի և Քերթնազոր «Հայոց պատմության» միջև զուգահեռներ տանելով, հեղինակը գտնում է, որ Հայոց մեծածն ծննդաբանությունը ընթանում է Հնգամատյանի ծննդաբանությանը համաձայն: Նպատակ ունենալով հայոց ծագումը ընդհանրելու աստվածաշնչական հայտնի նահապետներից, Խորենացին ճշտում է իր ժողովրդի տեղը՝ որպես «ազգ հյուսականաց»։ Ամբողջ պատմության խորքի վրա զգացվում է Հայոց պատմությանը աստվածաշնչական երանգ հաղորդելու միտումը:

Մասնաճյուղի ընդգրկումները բավականաչափ լայն էին: Նախ իր հաստատումն էր գրելում այն միտքը, որ Աստվածաշունչը հայրենեով հնչեցնելու պահից ի վեր, նախագրային գրական ժառանգության բացակայության կամ կորստյան պայմաններում, այն իր ազդեցություն-

ների դրոշմն է դրել հայ պոեզիայի, պատմագրության, հրապարակախոսության, գրական ողջ մշակույթի վրա: Այդ խնդիրներին էին նվիրված Արշալույս Ղազինյանի «Գրիգոր Նարեկացին և երգ երգացը», Սարգիս Մխիթարյանի «Աստվածաշունչ մատյանը և Գրիգոր Մագիստրոսի «Հազարտողյան» պոեմը», Աննա Արևշատյանի «Աստվածաշնչային կոնցեպցիան հայ միջնադարյան «Ձայնից» մեկնություններում», Գառնիկ Անանյանի «Հայ աստվածաբանական հրապարակախոսության ծնունդը», Արտաշես Մաթևոսյանի «Հայոց գիրը և գրերի գյուտը» զեկուցումները: Իր անդրանիկ գիտական զեկուցումն էր ներկայացրել ԵՊՀ Աստվածաբանական ֆակուլտետի շրջանավարտ Անահիտ Ավագյանը: այն նվիրված էր Դիգախեի (սվարդապետություն երկոտասան Առաքելոց) աստվածաբանական վերլուծությանը, մի դավանաբանական երկի, որ համարվում է ամենահին ժամագիրքը և շուրջ երեք դար մաս է կազմել Նոր Կտակարանի կանոնի:

Տեքստաբանական, բանասիրական, ձեռագրագիտական և արվեստաբանական բնույթի հետազոտությունների արդյունքներ էին պարունակում «Աստվածաշունչը և հայ բնագրագիտությունը» մասնաճյուղում բնթերցված մեկ տասնյակից ավելի զեկուցումները: Ալբերտ Մուշեղյանի զեկուցման մեջ («Մեսրոպ Մաշտոցի համառոտ Աստվածաշունչը») առաջ է քաշվում Եփեսոսի տիեզերական ժողովից առաջ շրջանառության մեջ գտնվող Հին և Նոր Կտակարանների առաջնորդ շարադրանքի գոյության վարկածը: Ըստ հեղինակի, այն տարածված էր Մեծ Հայքի բոլոր եկեղեցիներում և նույնանում է Ազաթանգեղոսի երկրորդ գրքի Ս. Գրիգորի վարդապետության հետ: Այդ առձեռն Աստվածաշնչի հեղինակներ զեկուցողը համարում է Մեսրոպ Մաշտոցին և Սահակ Պարթևին:

Արշակ Բանուշյանի զեկուցումը շոշափում էր Եվթաղյան մատենագրության ուսումնասիրության խնդիրները: Հեղինակը համոզված է, որ Եվթաղի «Բովանդակություն աստուծոհեն վկայութեանց» բնագրով կարելի է խմբավորել Աստվածաշունչ գրքի ձեռագրական ընտանիքները, կատարել բնագրային ճշտումներ ու պարզաբանել որոշ խմբագրական ազդեցություններ: Զեկուցման մեջ հիմնավորվում էր ձեռագրերի կողավորման նոր համակարգի ստեղծման անհրաժեշտությունը:

Հարություն Ժամկոչյանը տեղեկացրեց, որ Մատենադարանի 1202 ձեռագրում հայտնաբերված է սամարական ձեռագրի մի հատված: Ելնելով բնագրի առանձնահատկություններից, զեկուցողը եկել է եզրակացության, որ այդ հատվածը պետք է լինի ավելի ծավալուն և հնարավոր է կորած թերթերի ի հայտ գալը հայկական այլ ձեռագրերում:

Աստվածաշնչական հղումների, հունարենից թարգմանված եկեղեցական կանոնների, վարժագրությունների և այլ բնագրերի ուսումնասիրություններ էին ամփոփված Արմեն Մախասյանի, Մանե Շիրինյանի, Գոհար Մուրադյանի զեկուցումներում: Երկու զեկուցումը (Ավետիսյան. «Մենդոց» շարքը Զաքարիա Ավանցու ձեռագրերում» և Էմմա Կորյամազյան. «Աստվածաշնչական թեմաները 13—14 դդ. հայկական ձեռագրերում») նվիրված էին գրության և մանրանկարչության արվեստին:

Մեծ է Աստվածաշնչի ազդեցությունը հայ մշակույթի այլ բնագավառների վրա ևս: Աստվածաշունչը և հայ մշակույթը մասնաճյուղում զգալի տեղ տրվեց հայ կերպարվեստում աստվածաշնչական, թեմաների արտացոլմանը: Շահեն Խաչատրյանի, Անուշ Տեր-Մինասյանի, Զեփյուռ Թադայանի զեկուցումները տեսական ընդհանրացումներ էին պարունակում ժամանակակից գեղանկարչության և քանդակագործության խնդիրների մասին: Հրավարդ Հակոբյանը («Տերմանական պատկերները ձեռագիր մատյաններում») առաջ քաշեց հայկական պատկերաձևարտության հետ կապված հիմնահարցեր. նրա կարծիքով սրբապատկերների հանդեպ ընդհանուր քրիստոնեական վերաբերմունքը ունի իր անհերքելի դրսևորումները նաև հայ իրավանության մեջ:

Առանձնակի հետաքրքրություն էին ներկայացնում Սուրեն Սաղումյանի «Խաչելությունը և դժոխքի տեսիլները միջնադարյան պատկերաքանդակներում» և Արմեն Ղազարյանի «Թեկդե նախավկայի և Պողոս Առաքյալի պատկերները էջմիածնում» զեկուցումները: Առաջինը 9—13-րդ դդ. խաչքարերի ընձեռած նյութի վրա լուրջ հնագիտական ու արվեստագիտական վերլուծություններ է կատարում, հանգում կարևոր ընդհանրացումների: Երկրորդ զեկուցման մեջ նշվում է, որ Թեկդեի հայկական պատկերաքանդակները սերտորեն առնչվում է դիմանկարի անտիկ ավանդույթներից եկած և 4—5-րդ դդ. քրիստոնեական արվեստի մեջ արմատացած ոճավորումներին: Նույն կերպ ուսումնասիրության են ենթարկված նաև Դանիելի և Հովնանի, Հայոց

դարձի գլխավոր դիմքերի միջնադարյան պատկերագրությունները, համապատասխանաբար՝ Աղապենի Ժամկոչյանի և Քնարիկ Ավետիսյանի զեկուցումներում:

Անդրադարձելու էլ հան կերպական արվեստի նմուշներին: Լիանա Ավանեսյանի զեկուցման ընթացքում հորան գորգի քրիստոնեական խորհուրդն էր, իսկ Արամ Քալանթարյանի, Նյուրա Շակոբյանի և Հուսիկ Մելքոնյանի զեկուցումը նվիրված էր Քրիստոսի վարքի պատկերագրությանը կրող յուրովաններին:

Անցյալի և ներկա հայ իրականության վրա Աստվածաշնչի բազմաշերտ ազդեցությունները նկատողություններին առաջադրում են բարդ խնդիրներ: «Աստվածաշունչը և հայ իրականությունը» մասնաճյուղում հանդես եկան փիլիսոփաներ, բանասերներ, պատմաբաններ, հոգևորականներ, որոնք հիմնախնդիրները քննարկեցին ամենատարբեր հիպոթեզներով: Հայ փիլիսոփայության պատմությունը սերտորեն առնչվում է քրիստոնեական ուսմունքի և եկեղեցու հետ: Դեռ 5-րդ դարից սկսած աստվածաշնչական դրույթները փիլիսոփայական մեկնաբանությունների են ենթարկվում, ստեղծվում է մեկնողական հարուստ դրականություն, որտեղ քննվում էին գոյարանություն, տիեզերաբանության ու մարդաբանության հարցեր: Գիտաժողովում այս հիմնախնդիրներին առաջադրվում են Արևշատյանը:

Հովհաննես Զուլալեցու փիլիսոփայական հայացքների վերլուծությանը հանդես եկավ Հրաչյա Միրզոյանը, իսկ Մովսես Բաղրամյանի գաղափարական սկզբունքները քննության ենթարկվեցին Գագիկ Մելքոնյանի զեկուցման մեջ:

Եկեղեցի և պետություն, եկեղեցի և դպրոց, եկեղեցի և իրավունք, ահա այն թեմաները, որոնք այս կամ այն կերպ իրենց արտահայտությունը գտան նշված մասնաճյուղի աշխատանքների ընթացքում: Քրիստոնեական բարոյականության հարցեր արտացոլվեցին Մելյու Քաջախյանի «Կրոնասիրությունը որպես անձի հոգևոր պահպանում» զեկուցման մեջ: Արգար Ափինյանի զեկուցումը նվիրված էր արգի հայ գրականության մեջ աստվածաշնչական թեմաների արտացոլմանը, իսկ Պուշկին Սերոբյանը հետաքրքրական զեկուցում կարդաց «Աստվածաշունչը և իրավունքը» թեմայով:

Հետաքրքրության արժանի էր նաև Ֆիզիկոս Պարիս Հերոնու զեկուցումը, որը ընթերցվեց դեռևս լիագումար նիստի ժամանակ: Ակադեմիկոսը Սիսիան քաղաքի մոտ գտնվող փարհ հնադարյան աստղագիտարանում չափումներ և ուսումնասիրություններ է կատարել, որոնց տվյալները գալիս են հաստատելու շատ հազարամյակներ առաջ Հայաստանում գոյություն ունեցող զարգացած մշակույթի մասին: Նշենք, որ նրա հրավերով գիտաժողովի մասնակիցները հունիսի 23-ին այցելեցին Օրգովի տիեզերական չափումների կենտրոն, որտեղ տարիներ առաջ գիտնականի գլխավորությամբ տեղադրվել է աշխարհի ամենամեծ տիեզերական ալեհավաքը:

«Աստվածաշնչական Հայաստան» գիտաժողովի վերջին օրը համընկավ Սահակ-մաշտոցյան եկեղեցական տոնի հետ: Խորհրդանշական էր այդ օրվա սուրբ պատարագը, որ Օշականի Ս. Մեսրոպ Մաշտոց եկեղեցում մատուցեց Շահն արք. Աճեմյանը գիտաժողովի հարյուրավոր մասնակիցների և հյուրերի ներկայությամբ:

Այնուհետև ակադ. Վ. Բարխուդարյանի նախագահությամբ կայացավ գիտաժողովի եզրափակիչ նիստը, որի ընթացքում ամփոփվեցին մասնաճյուղերի աշխատանքները: «Աստվածաշնչական Հայաստան» գիտաժողովն, այսպիսով, ավարտվեց՝ գրելով լուսավոր տողեր Օշականի նորահաստատ Դպրատան, նաև մեր երկրի գիտամշակութային կյանքի տարեգրության մեջ:

ԱՐՏԱՎԱԶԴ ՆԱԶԱՐԵԱՆ